0.0.1 jāņussonīsuttam

- **0.** sāvatthinidānam
- 1. atha kho jāṇussonī brāhmaṇo yena bhagavā tenupasaṅkami. upasaṅkamitvā bhagavatā saddhiṃ sammodi. sammodanīyaṃ kathaṃ sārāṇīyaṃ vītisāretvā ekamantaṃ nisīdi. ekamantaṃ nisinno kho jāṇussonī brāhmaṇo bhagavantaṃ etadavoca:
- 2. aham hi bho gotama evamvādī evamdiţţhī: "natthi yo so maranadhammo samāno na bhāyati. na santāsam āpajjati maranassā" ti.
- 3. atthi brāhmaṇa maraṇadhammo samāno bhāyati, santāsaṃ āpajjati. maraṇassa. atthi pana brāhmaṇa maraṇadhammo samāno na bhāyati, na santāsaṃ āpajjati maraṇassa.
- **4.** katamo ca brāhmaṇa maraṇadhammo samāno bhāyati, santāsaṃ āpajjati maraṇassa?
- 5. idha brāhmaṇa ekacco kāmesu avītarāgo hoti avigatachando avigatapemo avigatapipāso avigatapariļāho avigatataṇho, tamenaññataro gāļho rogātaṅko phusati. tassaññatarena gāļhena rogātaṅkena phuṭṭhassa evaṃ hoti: piyā vata maṃ kāmā jahissanti, piye vāhaṃ kāme jahissāmīti. so socati kilamati paridevati urattāļiṃ

bjt page 338

kandati sammoham āpajjati. ayam kho brāhmana maranadhammo samāno bhāyati, santāsam āpajjati maranassa.

- 6. puna ca param brāhmaņa idhekacco kāye avītarāgo hoti avigatachando avigatapemo avigatapipāso avigatapariļāho avigatataņho. tamenañātaro gāļho rogātanko phusati. tassañātarena gāļhena rogātankena phuṭṭhassa evam hoti: piyo vata mam kāyo jahissati. piyam cāham kāyam jahissāmīti. so socati kilamati paridevati urattāļim kandati sammoham āpajjati. ayampi kho brāhmaņa maraņadhammo samāno bhāyati, santāsam āpajjati maraņassa.
- 7. puna ca param brāhmaņa idhekacco akatakalyāņo hoti akatakusalo akatabhīruttāņo. katapāpo kataluddo katakibbiso. tamenaññataro gāļho rogātanko phusati. tassaññatarena gāļhena rogātankena phuṭṭhassa evam hoti: akatam vata me kalyāṇam, akatam kusalā, akatam bhīruttāṇam. katam pāpam, katam luddam, katam kibbisam. yāvatā bho akatakalyāṇānam akatakusalānam akatabhīruttāṇānam katapāpānam kataluddānam katakibbisānam gati, tam gatim pecca gacchāmīti. so socati kilamati paridevati urattāļim kandati sammoham āpajjati. ayampi kho brāhmaṇa maraṇadhammo samāno bhāyati, santāsam āpajjati maraṇassa.

- 8. puna ca param brāhmaṇa idhekacco kaṅkhī hoti vecikicchi aniṭṭhaṃgato saddhamme. tamenaññataro gāļho rogātaṅko phusati. tassaññatarena gāļhena rogātaṅkena phuṭṭhassa evaṃ hoti: kaṅkhī vatamhi vecikicchi aniṭṭhaṃgato saddhammo'ti. so socati kilamati paridevati urattāḷiṃ kandati sammohaṃ āpajjati. ayampi kho brāhmaṇa maraṇadhammo samāno bhāyati, santāsaṃ āpajjati maraṇassa.
- 9. ime kho brāhmaņa. cattāro maraņadhammā samānā bhāyati, santāsam āpajjanti maraņassa.
- 10. katamo ca brāhmaņa maraņadhammo samāno na bhāyati, na santāsam āpajjati maraņassa? idha brāhmaņa ekacco kāmesu vītarāgo hoti vigatacchando vigatapemo vigatapipāso vigatapariļāho vigatatanho. tamenañnātaro gāļho rogātanko phusati. tassannātarena gāļhena rogātankena phuṭṭhassa na evam hoti: piyā vata mam kāmā jahissanti, piye vāham kāme jahissāmīti. so na socati na kilamati na paridevati na urattāļim kandati na sammoham āpajjati. ayam kho brāhmaņa maraṇadhammo samāno na bhāyati na santāsam āpajjati maraṇassa.
- **11.** puna ca param brāhmaņa idhekacco kāye vītarāgo hoti vigatacchando vigatapemo vigatapipāso vigataparilāho vigatatanho tamenaññataro gālho rogā-

tanko phusati. tassañnatarena gāļhena rogātankena phutthassa na evam hoti: piyo vata mam kāyo jahissati, piyam cāham kāyam jahissāmīti. so na socati na kilamati na paridevati na urattāļim kandati na sammoham āpajjati. ayampi kho brāhmana maranadhammo samāno na bhāyati, na santāsam āpajjati maranassa.

- 12. puna ca param brāhmaņa idhekacco akatapāpo hoti akataluddo, akatakibbiso. katakalyāņo hoti katakusalo katabhīruttāņo. tamenañātaro gāļho rogātanko phusati. tassañātarena gāļhena rogātankena phuṭṭhassa evam hoti: akatam vata me pāpam, akatam luddam, akatam kibbisam, katam kalyāṇam, katam kusalam, katam bhīruttāṇam. yāvatā bho akatapāpānam akataluddānam akatakibbisānam katakalyāṇānam kata kusalānam katabhīruttāṇānam gati tam gatim pecca gacchāmī ti. so na socati na kilamati na paridevati na urattāļim kandati na sammoham āpajjati. ayampi kho brāhmaṇa maraṇadhammo samāno na bhāyati na santāsam āpajjati maraṇassa.
- 13. puna ca paraṃ brāhmaṇa idhekacco akaṅkhī hoti avecikicchī niṭṭhaṃgato saddhamme. tamenaññataro gāļho rogātaṅko phusati. tassaññatarena gāļhena rogātaṅkena phuṭṭhassa evaṃ hoti: akaṅkhī vatamhi avecikicchī niṭṭhaṃgato saddhammeti. so na socati na kilamati na paridevati na urattāḷiṃ kandati na sammohaṃ āpajjati. ayampi kho brāhmaṇa maraṇadhammo

samāno na bhāyati, na santāsam āpajjati maraņassa.

- **14.** ime kho brāhmaṇa cattāro maraṇadhammā samānā na bhāyanti, na santāsaṃ āpajjati maraṇassāti.
- 15. abhikkantam bho gotama, abhikkantam bho gotama seyyathāpi bho gotama, nikkujjitam vā ukkujjeyya, paṭicchannam vā vivareyya, mūḥassa vā maggam ācikkheyya, andhakāre vā telapajjotam dhāreyya cakkhumanto rūpāni dakkhintīti, evameva bhotā gotamena anekapariyāyena dhammo pakāsito. esāham bhagavantam gotamam saranam gacchāmi, dhammam ca bhikkhusangham ca. upāsakam mam bhavam gotamo dhāretu, ajjatagge pāṇupetam saranam gatanti.

pts page 176